



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გემო ზახორის (ზაყორის) სამაროვანი

გემო ზახორის (ზაყორის) სამაროვანი, III ს. არქეოლოგიური ძეგლი, აღმოჩენილია (1974) სოფ. გემო ზახორში (ახალგორის მუნიციპალიტეტი). გამოვლენილ სამარხებში აღმოჩნდა: ცხოველთა გამოსახულებიანი ბრინჯაოს ჭვირული ბაღთა, მშვილდსაკინძის რკალისებური მშვილდი ბულით, კონუსის მოყვანილობის, დაფანჯრულკორპუსიანი ზარაკი, რ-საც აქვს ყუნწი და ძეწკვი; ვერცხლის ბეჭედი, რ-ის მინის ინტალიოზე გამოსახულია ლომი; მინის, სარდიონის, ქალკედონის და გიშრის მძივები; გოტარზეს პართული ვერცხლის დრაქმა და სხვ. მასალა ინახება საქართვე. ეროვნ. მუზეუმის ს. ჯანაშიას სახ. საქართვე. მუზეუმში.

ლიტ.: ჯ ა ვ ა ხ ი შ ვ ი ლ ი ქ., გვიანანტიკური ხანის სამარხი ს. ზახორიდან, «ს. ჯანაშიას სახ. საქართველოს სახელმწ. მუზეუმის მოამბე», 1987, ტ. 39 B.

ქ. ჯავახიშვილი

ბ. ჯორბენაძე
